



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Thevpoli Bened. F. Patric. Veneti,
Academicarum Contemplationum Lib. X**

Piccolomini, Francesco

[Basel], 1590

VD16 ZV 12463

Quomodo Materia cognoscatur. Cap. 9.

urn:nbn:de:hbz:466:1-12918

terminorum, de qua loquebatur tunc Aristot. sed solum subiectum designasse per voces indicantes naturam, & conditionem quandam infinitam, & interminatam. Ad postremam instantiam, quia Plato materiam dixit per se malam, & expetere contrarium, patet solutio: nam Plato materiam à priuatione sciunxit; ideo non asseruit eam esse per se malam, quia sit priuatio; sed solum esse per se malam cum negatione; quoniam de eius natura, vera est negatio. Immò Plato in Lyside cumulatissimè id declarauit, quod dixit Aristot. in primo Physicor. 8i. breuissimè ex propria sententia profert: declarauit nanque Plato, non malum appetere bonum; sed id, quod neutrum est, ob mali sensum, appetere bonum, tanquam medelam. Sed de hoc infrà latius agam; dum considerabo, an materia sit bona, vel mala.

Quomodo Materia cognoscatur.

CAP. IX.

Goniam Materia, Diuinitatis est expers, propria idea est destituta; & solum aliud est, siue infinitudo, alteritas, & locus capax imaginis idearum: propterea per se intelligi nata non est; sed quemadmodum cæteros actus, ita actum cognitionis aliunde recipit. Cognoscitur primò materia per negationem; & iure quidem, cùm de ea veræ sint negationes, ut patuit. Hūc cognitionis modum manifestauit Plato in Ti-

R

inquietus inquiens, materiam sine tangentis sensu tangi: nam ad eam conuersa animi acies, perinde se habet, ac oculus corporis ad tenebras. In hoc cognitionis genere conuenit materia cū Deo; nam Deus quoque negatione cognoscitur: & iure conueniunt, quia ambo extrema sunt. At differunt; quia negatio in Deo oritur ex perfectione, & eadem manifestat: de Deo enim agentes, negationi superaddimus, quod sit quid eminentius; Deus non est cœlum, sed cœlo eminentior: non anima, non mens: sed aliquid supra mentem, & animam: Materiam explicantes, econtra negationi addimus quid infra: nam Materia non est anima, sed infra animam; non est natura, sed infra naturam: & ita de singulis. Sic etiam Arist. in 10. Metaph. vñacum Platone dixit, materiam negatione cognosci. Dum materia per negationem explicatur, non est putandum, eam esse puram negationem; est enim pura negatio gradum formarum, non autem pura negatio absolute; alioquin nil prorsus esset: ideo putandum est, eam in negatione cum quadam affirmatione esse positam: quam subindicamus, dum addimus, sed aliquid infra. Et propterea non ita se habet anima, dum materiam considerat, ut dum nihil intelligit: dum enim nihil intelligit, assertit id nihil esse: non sic de materia dicit. Propterea Scotus, dum materiæ tribuit actum illum, quem entitatiuum appellat; recte sentit, & cum Aristotele, & cum Platone: at minus recte

rectè loquitur. Non enim apud Arist. propriè dicitur actus; nec apud Platoneim, aut actus, aut entitatiuus: sed cùm de materia aliquid affirmare debeamus, ne videatur penitus nihil, ad eam affirmationem cōuenienter duciūtur per analogiam: quam rectè, & conuenientilissimè formainus, respiciendo ad transmutaciones, & formas, quibus ea subiicitur. Cognitio n̄m materię per analogiam, manifestauit Plato in Timaeo inquiens, eam adulterina ratione vix opinione percipi posse. Cognitio per analogiam, posita est in conuenientia plurium rationum: nō enim cognoscere materiam per analogiam, est cognoscere materiam per respectum ad formam, vt multi censem: qui enim hoc dicunt, verē indicant se ignorare, quid sit analogia, & quali methodo cognoscatur materia. Explicatur autē materia per analogiam vario modo: veluti, dum à Platone nuncupatur locutus, nuncupatur sinus informis, species inuisibilis, binarius, Sylva, Mater mundi, nutritrix formarū, & similibus vocibus; quæ cùm per metaphoram tribuantur materiæ, ad analogiam rediguntur: metaphora enim est quædam analogia, vt dixit Arist. in Rheticis. Ex quo patet, licere etiam in scientiis nonnunquam, ratione difficultatis rei, uti metaphoris. Præsertim tamen materia per analogiam explicatur; dum similitudo, & conuenientia rationis, sumitur ex materia rei artificiosæ: id eo dicimus; vt lignum se habet ad lestem, &

R 2

materia rei artificiosæ, ad rem artificiosam; ita
 materia rerum naturalium, se habet ad ea, quæ
 natura constant. Sic itaque per negationem,
 & analogiam ducimur in materiæ cognitionem: analogia est nobis familiarior, negatio
 verior: analogia remotius, negatio intimius
 nos dicit ad eam; quatenus post analogiam
 etiam dicimus materiam, nec locum, nec ma-
 trem, nec nutricem absolutè esse; sed solum ei
 similem. Ex utrisque itaque modis consurgit
 integra nostra cognitio materiæ, quæ cognitio
 est omnium infima: nec unquam rectè dice-
 mus, materiam per se à nobis cognoscere, cùm
 materia careat idea, ratione, & notione, quæ
 intellectum formare valeat.

*An Materia sit genita, & Mundi generationem
 antecedat.*

CAP. X.

Manichæi Materiam primam, non
 secūs ac Deum, existimarunt esse
 initium primum, à nullo pendens;
 cætera verò omnia à Deo, & à ma-
 teria pendere: ita tamen, ut bona penderent à
 Deo, mala vero à materia; inter quæ duo boni
 & mali principia, perennis vigeret pugna; &
 in nonnullis vnius, in aliis alterius appareret
 victoria. Stoici cum Manichæis in hoc conue-
 nerunt, quod materiam asseruerunt esse ini-
 tium primum, ab alio non pendens; quæ ita
 patiendi esset principium, ut Deus agendi, &
 mouen-